



2057

hall comp.

I.

Mag. St. Dr.

P

1888. XII. 192.

Loedecheius Andr.

Epithetamian I. 95 unk.

Poeyia 4747. br.

1324.

and in the  
of the



Epithalamium I.  
IN NVPTIAS  
SER<sup>mi</sup> AC POT<sup>mi</sup> PRINCIPIS,  
SIGISMVNDI TERTII,  
POLONIÆ ET SVECIÆ REGIS,  
Cum Ser<sup>ma</sup> Virgine,  
CONSTANTIA,  
CAROLI ET MARIÆ, ILL<sup>morum</sup> ARCHI-  
ducum Austriæ. Ducum Bauariæ, Burgundiæ,  
Styriæ, Carinthiæ, &c. &c. filiâ.

*Ab Andrea Loëchio Scoto F.*



CRACOVIAE  
Anno Domini 1605.

BIBLIOTHECA  
VNIV.  IAGEL  
CRACOVIENSIS

2057I.



AVCTOR VERSVS, OPES INOPVLENTAS,  
at proprias , Fortunæ instabili, cœcæ, surdæ, at diuiti,

VT sibi fortunarum hætenus semper experti nunquam non aduer-  
sæ : nunc quoq; æquè ac antea, aduersus eius leuitatem animo in  
præsentissima inopia grauissimo, ne vel hac vice meliora lapsis, à for-  
tunæ animosissimo Victore, felicissimo Sponso,

SIGISMVND O III. POLONIAE & SVECIAE REGE,  
speranti exspectantiq; obsit,  
Fidenter simul & vltimò, nisi secunda sit,  
DICAT.

Regibus ô quandoque Parens, quandoque nouerca,  
Vatibus at semper seu nouerca, tue  
Ista dico Fortuna rotæ, clementior aurâ  
Vt solitâ spires. Cæca negabis opem,  
Sat scio : capta oculis nam pingere. Inepta uidere,  
Saltem aures adhibe, surda nec usque mane.  
Hoc ego pro dono, instinctum precor ore misellus :  
Surgat Achillæâ Musa repulsa manu.  
Da iuuet, ô nuper quem tu dignata iuuare es,  
Dum Carolum, Carolo consociata, quatis.  
Fac iuuet ô, cumulans cui tu, Fortuna, recenter  
Das, quibus inuideant regna deique, thoros.  
Armiger eia Iouis Phœbææ lucis egenos  
Quantumuis radios, fac, velit ore pati.  
Illius uultum trepidantes offero fetus,  
Tuti at erunt, sua si lumina ferre sinet,  
Vnum hunc, Post superos, spes inclinata rogabit.  
Duritiam haud metuo : nam procil omnis abest.  
Frustratorum alias palmam preciumq; laborum,  
Hoc ualet officium si meruisse, feram.





AVGVSTISSIMA SPONSI ET SPONSÆ  
Nomina, vtrumq; duplici Anagrammate  
expressum.

SIGISMVNDVS TERTIVS, POLONIÆ ET SVECIÆ REX:  
SECVNDO SPONSVS.

I.

Cor Inter Viduas Spes Constans Iuit.  
Euge: Possideo Lumen Sexûs.

II.

Lumen Sexûs, Spes Auges (Sustinui Certando)  
Venisti: Cor Posside.

CONSTANTIA ARCHIDVCISSA AVSTRIÆ.

I.

Nata, Sacra Thoris: Victa Vincis Deas.

II.

Ornasti Hanc Ætas Caducis: Ita Ruis.





# EPITHALAMIUM I.

**Q**uam sic purpurei circumuolitis Amores?  
Sic hodie fauit cui repetitus Hymen?  
Quæ geminas pariter mortali in pectore diuas  
Nympha alit, & miris exprimit vna modis?  
Temperat augustâ comem grauitate Iuuentam  
Pallade commixtum Cypria pectus agens.  
Rusticolæ, ô Virgo, sit tanta potentia Musæ,  
Tu quantum superas laudibus ora tuis!  
Non quæ Priamiden facies incendit, honore  
(Mille Poetarum cura laborq; licet)  
Hanc æquet. Pulchra at decorat præ corpore Virtus,  
Insequiturq; comes forma pudicitiam.  
Soluunt vota Dei. Virgo paritura Polonis  
Pignora, Semidei quæis referantur Aui,  
Venit desponsata, sacras vt iuret ad Aras  
Fœdera, quæ tantum soluere fata queunt.  
Scilicet hæc lux est, vidui solatia lecti  
Sceptrigero toties mente vocata ferens.

**T**ota tuæ sacra lætitiæ lux, Sceptriger, hæc est.  
Quid dixi? Lucis pars quotacunq; tua est.  
Cum Regno partire diem. Quam sæpe petebas  
A Superis, etiam Regna precata sibi.  
Alteraiam Coniux hæc est, de Sanguine tanto,  
De quanto soboles debuit esse tibi.  
Incipe Rex mecum: Cur indignere subinde,  
Oblitus Regis, vatis honore frui?  
Dic bona verba Deis: votum persolue Hymenæo:  
Sponsæ animum tali prodito voce tuum,  
POSSIDEO LVMEN SEXVS. Mecum exige ô annos!  
At solitis fata ô parcire, quæ so, malis.



SPES INTER VIDVAS tibi COR Constantia alebam:  
CONSTANS, EVGE, IVIT morte reductus Amor.

Disita quantumvis aderas huic proxima menti,  
Præfesta est testis Regia Iuno thoris.

Sæpe mihi dixit, Voto gaudebis, & illâ  
Virgine, quâ nulla est dignior orbe: tamen  
Immunem non tu Liuis habebis Amorem;  
Coniugio comes est scilicet ille tuo.

☞ Adde istis, Pudeat neq; vatis ab ore moneri:  
Illicita & licito verba refelle modo.

Este procul voces, lingue & commenta profanæ,  
De refugo merite flumine ferre sitim.

Non ego sum pueri factus malè saucius arcu:  
Materiam flammis non ego quæro meis.

Iuro pio cineri, meus est amor ardor Honesti;  
Si non, ultores prouocet umbra deos.

Me mouit Virtus, mouère in virgine dotes,  
Iuno mei sociam quam iubet esse thori.

Mî placuère notæ, & gignentum è semine morum  
Gloria; nec titulo gloria sola tenus:

Vix vllâ Pietas gauisâ est Virgine tantum.

(Forma eat; exiguum forma caduca bonum)

Excoluit Pallasq; animum, linguamq; Camœnæ:  
Iactat in hac mentem doctus Apollo suam.

Soluere germanæ potuerunt stamina Parcæ, at  
Soluere promissâ non potuère fide

Fata Deos. Hoc nomen erat, quod semper amaui  
Post desolati frigida regna thori.

Integrum vobis seruauî, Numina, Honorem:  
Non volui arbitrio vota licere meo.

Arbiter ipse orbis Clemens, Paulusq; sequutus;  
Noscere quem nexûs lex manet omne genus,

Nos inter sacro decreto fædere sanxit,  
Subscripsitq; æquæ iustus vterq; rei.



Fama maligna file : Factum qui damnat , inertes  
 Conferat arcanâ cum ratione sonos.  
 Scilicet alterno lapsu natura recurrens ,  
 Antiquis Regum mos reperitus Aus ,  
 Durat adhuc. Castum mori libemus Honorem ;  
 Quo durante manet mutuus orbis amor.  
 Hæresiarchæ omnes tumeant , Romana potestas  
 Altius ac ima hæc fex volitare potest.  
 Roma suam vim , tetra tuam metire , nec altæ  
 Contendas Aquilæ cominûs ire Culex.  
 ¶ Desine plura queri : pro te certabit Olympus.  
 Tuq; aures verte hûc Regia Sponsa tuas.  
 Quod faustum & felix Regno Populoq; Deorum  
 Est facere , en thalamis digna propago Iouis,  
 Nec cupit alterius , potuit neq; Virginis esse  
 Quàm tuus , ô tali conditione Deum  
 Semideum prius ! Admisit qui in pectora flammæ  
 (Supplicio nosci vult manifestus amor.)  
 Hinc certò vt scires , quàm te deuotus amaret ,  
 Luminibus nunquam lumina visa suis ,  
 In Cor demisit , legerent vt vulnera mentis ;  
 Nî tu , sanare hæc nulla puella potest.  
 Telephus en , Virgo , læsus : tu faucio Achilles ,  
 Vt picta infixi vulnera , viua at opem  
 Da læso . Penetres Corde in præcordia : labris  
 Da matutinis æmula labra rosis.  
 Ad vocem hanc aures , Regina , auertere tentas ,  
 Decepta at blandâ es credulitate satis.  
 Casta licet casto serues in pectore sensus ,  
 Et mentem , superos quæ mouet vsq; deos :  
 Virgo viro nata es , dextrâ cogenda Hymenæi ,  
 Si non vis vltro subdere colla iugo.  
 Nonne tuus Genitor , Genitricis captus amore ,  
 Expertus pueri iura superba dei ?



Antè pater matrem dilexit, & illa maritum:

Quod dectit Matrem, cur tibi turpe putes?

Parua hæc: Magna audi: Quæcunq; potentia Cæli

(Parte hac fas homines asimilare deis)

Huic puero paret (Sensisti Iuno tonantem)

Sorte deæ melior fors tua fortè putas?

Diuos, quos penes est vitæq; necisq; potestas,

Omnia qui poterant vincere, vicit amor.

Te Sponso gignas, qui te pulchro exprimat ore,

Qui simul & Patrem nomine reddat Auum,

Es SACRA Sponsa THORIS, Hymenæo NATA, Marito

VICTA vni: multas VINCIS at vna DEAS.

¶ Sponsa tua erubuit: talem natura puellam

Effinxit: Tibi, Rex, da mihi plura loqui.

Magna in te diui statuere exempla fauoris:

Hæc ego dum refero, fronte animoq; faue.

En tibi cum Sponsa hac Charitum chorus, ordo sororum,

Lege maritali confociatus adest.

A sancta docta est Virgo Genitrice venustos

Mores; planè in quos dicere fama nequit.

Scilicet hi castæ sunt pro velamine formæ,

Nulla illam flammis insidiosa Venus

Dedecorat: Cordis seruat penetralia Honestas:

Integra mens sceleris respuit omne probum.

Iuppiter ipse, licèt fuluum se vertat in imbrem,

Velet & abiecto numine furta, nihil

Huic faceret: castæ Genitricis casta propago

De Danaes vellet nomine habere nihil.

Duceret Hanc Salomon, ductus Sapientiæ amore,

Duceret Hanc ductus Religione David.

Non igitur mirum prælatam esse omnibus vnam

Hanc tibi, quas celso Phœbus ab axe videt.

Mirandum potius non indixisse Graduum

Bella tibi, mirum non rapuisse Iouem,



At fault Cælum, fauerunt Numina votis,  
Auspicijs quorum Nomina tanta fluunt.

**A** Mbo igitur fausto iungendi sydere amantes:  
Rex Iunone, & tu digna virago Ioue,  
Felici auspicio stadium decurrite amoris,  
Diuisa & properè ne stite lucra thori.

**W** Ladislæ viden', patrij ô spem nominis implens,  
Non matrem penitus Matris obire vices?  
Ecce nouerca, tui quæ nil in amore parenti  
Concedit, (genitrix vincere nulla potest)  
Nomen auct matris. iure indignabitur atqui,  
Si minis ac par est Materametur, ames.  
Illa optat citò te ferrum torquere lacerto:  
Illa ætas optat crescat ad arma tibi.  
Cresce puer, magni minor haud cognomine patris,  
Atq; Ataus factis disce referre tuis.  
Cresce puer, Patriam titulis & honoribus auge,  
Non intra molles sèrica dona thoros:  
Non intra plumas annos disperse iuuentæ:  
Discant ô hostes te quoq; habere manus,  
Musica sint litui atq; tubæ; discrimina vocum  
Audiat haud aptus Martia castra sequi:  
Audiat ad puras intentus Episcopus Aras,  
Supplicibus placans Numina læsa sonis.  
Disce Armis olim priscos æquare Polonos,  
(Quo fusus non est gentis in orbe labor?)  
Parta illis Pax est ferro, ferroq; tuentur;  
Quam toties propter bella cruenta gerunt.  
Prusiam sensisti, non victa ô sæpe, Poloni  
De victæ imperio quid statuere crucis.  
Hos Mosci nôrunt, Valachi Turcæq; Getæq;  
Quid breuibus referam parta Trophæa modis?

Agæ, Roma, tuis toties vexatus ab armis  
Orbis: conflictus militis illud erat.  
At quæ non de te victâ gens victa triumphat?  
Imminuens titulos, Roma superba, tuos.  
Non sic Sauromatæ: Potuistis signa phalanges  
Ut minimâ, inuicti, vincere sæpe manu.  
Ferro, non auro pacem retinetis: at aurum  
Hostibus ereptum ferri habuistis ope.


Ceptriger ô, tales qui Ciues pace gubernas,  
Et tu, quam Dominam gens animosa vocat,  
Felicis auspicio stadium decurrite amoris,  
Diuisa & properè necite lucra thori.  
Illum lucem vobis gyro breuiore coerces,  
Et gratas noctis protrahit vltq; moras:  
Præstet nunc, quod fertur fecisse, receptus  
Iuppiter Alcmenæ cùm foret in gremio.  
Nec hinc vobis Phœbus se subtrahit orbi,  
Seminio noctis tempora iusta sinens,  
Sed video vt grauior Regina, Decembre sequenti,  
Sic pariat, maneat quem Diadema, marem.  
Iter vt Augustus Gradiuo dignus, in hostes  
Sarmata, at Austriaco sanguine mistus eat.  
Ius ad occursum (non falso impleuit Apollo  
Augurio) timidos vertere terga Getas  
Sed video: gentes poscunt sua iura paternæ;  
Imperium optantes haud melioris heri.  
Foribus augustis, similisq; Parentibus almis,  
Sanguine communi nascere Magne puer,  
Nisi latè imperitans pacem Mohumeta profanus  
Spondet. & ambigui fœdera Martis auct.  
Nec istos quos sub Bellona locauit,  
Vngaria exclamat, Principe: Turca peri.



Ast ego parualoquor : Regem hunc prece supplice , quas Sol  
Nunc videt exorients occiduusq; , plagæ  
In Dominum poscunt ; spondent parere. Modestus  
Ille sed , & lætis doctus habere modum ,  
Esse putat maius Regnis regnare Rogari.  
Regnum ô te dignum quod satis esse potest!  
Nascere Magne puer , cui tot bona spondet Olympus:  
Sarmata , de Austriacâ nascere Matre puer.  
Quo Domino quæ his (heu) scelerum contagia in oris ,  
Vnde ferunt , referant Tartara ad ima pedem.  
Barbaries Regnis vnâ ô procul exsulet omnis!  
Ad consanguineos monstra abigenda Getas.

FINIS.







Biblioteka Jagiellońska



stdr0001141

